

- համագործակցել ՀՀ-ում և արտերկրում գործող «ազգային փոքրամասնություններ» ուղղվածություն ունեցող կազմակերպությունների հետ.
  - մասնակցել Հայաստանում ժողովրդավարական հասարակության զարգացման, ժողովրդավարական ինստիտուտների ամրապնդման, իրավունքի գերակայության ամրապնդման, մարդու իրավունքների և ազատությունների պաշտպանության արդյունավետության բարձրացման գործընթացներին` ի շահ Հայաստանում քաղաքացիական հասարակության կայացման և զարգացման ու եզրի ժողովրդի մասնակցությունը այդ գործընթացներին.
  - եզրի երիտասարդների շրջանում քաղաքացիական ակտիվության բարձրացում` հիմնվելով քաղաքացիական հասարակության և ժողովրդավարության սկզբունքների վրա` գործելով ազգային և միջազգային մակարդակներում.
  - պաշտպանել եզրի ժողովրդի իրավունքները տարբեր ոլորտներում.
  - եզրի ժողովրդի խոցելի խմբի/անչափահաս երեխաներ, միակողմանի և երկկողմանի ծնողազուրկ երեխաներ, հաշմանդամներ, անապահով ընտանիքներ, զոհված ազատամարտիկների ընտանիքներ և այլն/ սոցիալ-տնտեսական վիճակի բարելավմանն աջակցություն.
  - եզրիների աշխատանքի տեղավորմանն ուղղված գործունեության իրականացում.
  - փոքր և միջին բիզնեսի զարգացմանն ուղղված ծրագրերի իրականացում.
  - Գործնական կապերի հաստատում համանման գործունեություն իրականացնող այլ կազմակերպությունների հետ.
  - կազմակերպության անդամների իրավունքների ու շահերի ներկայացում և պաշտպանություն պետական և ոչ պետական մարմիններում, հիմնարկներում և այլ կազմակերպություններում:
- 2.3 Կազմակերպությունն իրականացնում է նաև ՀՀ օրենսդրությամբ չարգելված այլ ծրագրեր :

### 3. ԿԱԶՄԱԿԵՐՊՈՒԹՅԱՆՆ ԱՆԴԱՄԱԳՐՎԵԼՈՒ ԵՎ ԱՆԴԱՄՈՒԹՅՈՒՆԻՑ ԴՈՒՐՍ ԳԱԼՈՒ ԿԱՐԳԸ

- 3.1 Կազմակերպության անդամ կարող է դառնալ Հայաստանի Հանրապետության, ինչպես նաև օտարերկրյա ցանկացած քաղաքացի և քաղաքացիություն չունեցող անձ, ով ցանկանում է մասնակցել նրա գործունեությանը և ընդունում է Կազմակերպության կանոնադրությունը :
- 3.2 Կազմակերպության անդամ դառնալու ցանկություն ունեցող անձը գրավոր դիմում է Կազմակերպության խորհրդին (այսուհետև` Խորհուրդ):
- 3.3 Կազմակերպության անդամության մեջ ընդունելու հարցը լուծում է Խորհուրդը:
- 3.4 Կազմակերպությանն անդամագրված անձն ազատ է դուրս գալու Կազմակերպությունից: Կազմակերպության անդամությունից զրկումը տեղի է ունենում Խորհրդի որոշմամբ:
- 3.5 Կազմակերպության այն անդամը, որը Խորհրդի կողմից սահմանված լինելու դեպքում վեց ամիս անընդմեջ չի վճարում անդամավճար, կամ պարբերաբար խախտում է սույն կանոնադրությունը, Խորհրդի որոշմամբ զրկվում է անդամությունից: Վերստին նրա անդամագրումը կատարվում է ընդհանուր հիմունքներով:

### 4. ԿԱԶՄԱԿԵՐՊՈՒԹՅԱՆ ԱՆԴԱՄՆԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

- 4.1 Կազմակերպության անդամն իրավունք ունի`
- ա/ ընտրել և ընտրվել Կազմակերպության բարձրագույն և այլ մարմիններում, ընդ որում, ղեկավար և վերահսկողություն իրականացնող մարմիններում կարող է ընտրվել 18 տարին լրացած անձը.
  - բ/ Կազմակերպության աշխատանքները բարելավելու նպատակով նրա ղեկավար մարմիններին ներկայացնել դիմումներ, առաջարկություններ և բողոքներ.
  - գ/ սպառիչ տեղեկատվություն ստանալ Կազմակերպության գործունեության մասին.
  - դ/ ազատ դուրս գալ Կազմակերպությունից.
  - ե/ Կազմակերպությունից ստանալ իրավական օգնություն` ուղղված իր օրինական շահերի պաշտպանությանը.
  - զ/ մասնակցել Կազմակերպության կողմից կազմակերպված միջոցառումներին.
  - է/ Կազմակերպության նախագահի և Խորհրդի ոչ կանոնադրական գործունեության դեմ բողոքարկել ժողովին կամ դատարան` օրենքով սահմանված կարգով:
- 4.2 Կազմակերպության անդամը պարտավոր է`